



ВЛКСМ МАРОБКОМЫН ОРГАНЖЭ

№ 28 (464)

1937 ий 6 ийунь, рушарня

№ 28 (464)

ЭН ПИИАЛАН ИКШЫВЭ УЛЫНА

Вашкэ тунэмме ийна мучашышкэ шуэш. Испытаннына пыта. Шукыжо мэ, йоча-влак сай да отличнэ тунэмаш тыршышна, пионьерын тун пашажэ—сайын тунэмаш вэт. Партий дэн правительствэ мэмнан ончылан лач ик задачым гына шындыныт: наукам сайын, сознательнэ тунэмаш. Тидэ мэмнан чэстнэ пашана, тидым кажнэ пионьэр тунэмшылан нигузэат мондаш огэш лий. А сайын да отличнэ тунэмашнажэ мэмнан чыла условийнат уло: школнат кугу да волгыдо, тунэмаш кнганат, моло түрлө тунэмме пособийнат ситышын уло. Мэ уло тунэмбалнэ эн пийалан икшывэ улына. Мэ эрласэ кэчым ойгырен, шинча вуд дэнэ ваш огына лий! Мэ тэмше, эрэ вэсэла шыргыжшэ улына! Мэмнан вэрч уло шөмэрын, пашазэ классын йоратымэ вождышо Сталин йолташ шкак чот тырша. Ленин комсомол мэмнам коммунист шүлышэш кушта. Мэ пийалан улына—мэмнан Сталинский Конституцына уло. У Конституцо мланна, чыла шөмэр калык дэн тōрак тунэмашлан, образованье налаш кугу правам пуэн. Мэ кō лиймына шуэш, тудо лийын кэртина — инженер, лютчик, врач, туныктышо, астроном, наука пашайэн, молат.

Сталинский Конституцо чыла граждандан тугак канашат правам пуэн. Мэмнан партий дэн правительствэ кэнэж каникулым сайын, культурно эрта-раш, канаш чыла условийым

пуат. Шудō дэнэ пионьэр лагерь почылтэш, тужэм дэнэ площадь-влак ышталтыт, чаплэ сат, мотор чодра, олык, кумда колхоз пасу—чыла мэмнан. Отрад, звона дэн погынэн чодраш, олыкыш, вуд воктэкэ экскурсийыш лекташ туналына. Погынэн физкультур площадкышкэ лектына; йандар, лэвэ вудыш йуштылаш пурэна, могырнам опмаштэ калитлэна. Тидэ чылажат мэмнан кап-кылнам пэнгыдэмда, уш-акылнам писэмда.

Тенийат кодшо ийлэсэ самынак районлаштэ да республикан пионьэр лагерь - влак дэнэ пашам ышташ туналыт. Республикан пионьэр лагерь Таир йэр воктэн лийэш. Пэрвой смэнэ 5 ийунь гыч канаш туналын, чылажэ 150 отличнэ тунэмше-пионьэр районла гыч чумыргэн. Нуно ик тылзэ жап эртак йандар йужышто, мотор, кугуйэр воктэн, чодраштэ лийыт. Лагерьыште кажнэжэ йоратымэ пашажым ыштэн кэртэш. Турлō конструктор авиомодель ышташ йоратэт—тэк ыштэ, йуный натуралист улат—кугу чодраштэ илышэ кайык-вусын, молынат, йерыштэ илышэ тыгыдэ колын илышжым тунэм. Пушэш погынэн шинчын, кас йуалгэ дэн шып йерым тарватыл кошташ пугырак сай. А кастэнэ, чодра покшалан, кукшакарак чодра вэрэш костьорым ылыжтэн, вожатый-влакын ойыштым колышташ, тушкан лектын, музыка почэш куршталташ, ружгэ ик йук дэнэ сылнэ мурым мураш эшэат утларак сай!

МЫЙ БОТАНИКЫМ ЙӨРАТАШ ТҮНГАЛЫМ

Мый ончычшым ботаникэ дэнэ шудырвэн тунэмам ыльэ. Но варажым тудым йораташ тунгалым.

Кызыт, шопо пүртүс толмо дэнэ тунья илыш йоршэш вашталтэ: йырым-ваш ужалгэ, сылнэ дэч сылнэ пелэдыш-влак пелэдыт, шокшо ийунь кэчэ дэнэ чыла кушкыл-влакат ылыж шогат. Но кузэ нуно кушкыт, кузэ пелэдыт? Тидэ мыйым ку-

гын интерэсоватлаш тунгалы. Сандэнэ мыйат кнагам налын, нунын илышышт нэргэн шкэ гыч тунэмаш тунгалым. Кызыт 15 түрлө пелэдышым погэн гербарийым ыштэнам. Тэлым нуным ончэн тунэмашлан адак моло түрлө пелэдыш-влакым кэнэж каникул жапыште погэн йамдылаш шонэм.

Шуматов М.,

Куракино кыдалаш школ, 6-шо "А" класс Параньга район,

ПРОВЭРОЧНО ИСПЫТАНЫЛАШТЭ



Йошкар-Ола 1-шэ №-ан тунгалтыш школышто IV-шэ "А" классыште сай тунэмше-влак. Шола гыч пурлашкэ: Сапайева Муза, Сильванова И., Соловйова Файа, Хоников Вася, Худенеров Коля, Князёва Нина, Горбунцова Ната да Суворова Зоя.

ОТЛИЧНЭ ТУНЭМ ЛЭКТЫМ

Мый Онтроп-Сола тунгалтыш школын (Параньга район) 1-шэ классыштыжэ тунэмым. Тунэмме ийым "отличнэ" отмёткэ дэнэ тунэм пытарышым. Тунэмме ийыште ик кэчымат кодэн омыл. Туныктышын ойжым сай колыштам ыльэ, мōнто пугмо пашамат тугыс шуктэн толынам. Тыгэ тунэммэм, тунэмме

ийым "отличнэ" отмёткэ дэнэ тунэм пытараш кугун полшэн. Сай тунэммэмлан тэтрадь дэнэ пōлэклыпт. Шыжым мый кымышо классыш шинчам, тыштат сай тунэмашлан, кэнэж жапыште сай канаш шонэм.

Шуматова Й.

Чыла прэдмэт дэнат испытаньым отличнэ кучышым

Тунэмаштэм идалык мучкат ик канат "начар" отмёткым налыном, ул, эрө отличнэ тунэмым. IV-шэ чырык мучашэш сүрэтлымэ да физкультур дэч молыжо чыла отличнэ ыльэ.

Тунэмаш брканымашэм лийын огыл, туныктышо-влак пугмо пашам жапыштыжак шуктэн шоганам. Иктаж йодышлан ответым пуэн ом кэрт гын, акам дэч да туныктышо дэч эрэ йодам ыльэ. Шура акам мыланэм тунэмаш полшэнак шогыш, тудат мэмнан школыштак, V-шэ

классыште чыла прэдмэт дэнат сай да отличнэ тунэмым.

Мый испытаньылан кум тылзэ ончычак йамдыдалташ тунгалым. Шопо кэчыште чодраш альэ олыкыш мийэн шинчамат, эртымэ тэмэ-влакым угыч дончылэн лектам ыльэ. Тыгэ мый тунэмым да испытаньымат чыла прэдмэт дэнэ отличнэ кучышым. Ындэ мыйын кидыштэм похвальнэ грамот лийэш.

Уфимцева Таиса.

Йошкар-Оласэ 4-шэ №-ан ПКШ, IV-шэ "Б" класс

МЫЙЫН ЗВЭНАМ ИСПЫТАНЫМ САЙ КУЧА

Мыйын вуйлатымэ "Долорэс" луман звэнасэ пионьэр-влак испытаньым "сай" да "отличнэ" отмёткэ дэнэ кучат. Географий да математик дэнэ лий-

шэ испытаньыште иктат "начар" отмёткым налын огыл, чылан отличнэ да сай кучэныт. Загайнов Васлий.

Ронго район, Кужмарий ПКШ, 6-шо класс

„ТАИР“ ЛАГЭРЬЫШ КАНАШ КАЙЫШТ



Гэрасимов Анатолий.

„ТАИР“ ЛАГЭРЬЫШ КАЙЭМ

Мый Вэликополь пэлэ кыдалаш школышто (Оршанкэ район) IV-шэ классыштэ тунэм. Туныктышын пумо пашам жапыштыжак шуктэн шогэнам. Мом ом кэрт гын, Саньу изам дэч да ачам дэч эрэ йодам ыльэ. Тыгэ IV-шэ чырык мучашеп чыла прэдмэт дэнат „отличнэ“ отмэткыш шуктышым.

Канымэ жапэмым культурно эртарэм: волэйбол, шашкэ дэнэ модам. Сылнэ мутан литературым лудам: „Чапайэв“, „Күртнэ вий“ да йоча ылыш гыч шуко ойлымашым лудынам.

9 түрлө газет, журнал-влакым валын лудын шогэм, нунн кокла гыч „Иамдэ лий“, „Ленин Ой“, „Колхозные ребята“, „Пионерская правда“ газет-влак мыланэм пэш кэлшат.

Испытаньыланат ондак йамдылалташ тунгалмэм дэнэ, испытаным чыла прэдмэт дэнат тун шотышто отличнэ кучышым.

Тыгэ тыршэн тунэммэлан пионьэр организацэ дэнэ дирэкий мыйым республикысэ лагерьыш—„Таирыш“ колташ ыштышт. Тушто ик тылзэ шкэ канымэ жапэмым культурно эртараш тунгалам.

Монто миймэкат канымэ жапэм моштэн эртараш шонэм. Мамнан дэчын чодра дэн Какшан вуд тора огыл, чодраштэ түрлө кушкыл-влакым погэн, гэрбарийым ыштынэм. Какшан вудыштэ колым кучаш, йуштылаш тунгалам.

Гэрасимов Анатолий.

Оршанкэ район, Вэликополь ПКШ, IV-шэ класс.

2-шо могыр „Иамдэ лий“.

Мыйын эргым „Таирыш“ кайа

Илалшырак йэн-влак тошто ылышын нэлылыкшым пэш раш шинчат. Тунам мыланна, шэмэр калыклан могай ойган, кочо жап ыльэ! Сандэнак тунэмдэ, шинчымаш налдэ кодынна.

Ындэ мэ кумда Совет элын йэнгышт-влак улына. Тудо мамнам шукылан туныктыш—лудынат, сэрэнат моштэна. Совет власть лиймэ дэнэ гына мамнан икшывына-влак изиньэкак тунэмын, шинчымаш налын кушкыш праван лийыч.

Мыйынат 5 шотшэм уло. Эн кугу эргым—Саньу. Тудо ви-зымшэ классыштэ сай тунэмэш. Шым ийаш Володья эргымат

лудын, сэрэн мошта. Тугак ныл ийаш Аркаша эргымат лудаш, сэраш тунэмаш тунгалын. А Леонидэм тэний кокымышо классым тунэм лэктэ.

Кызыт Анатолий эргымжэ нылымшэ классым тунг шотышто отличнэ тунэм пытарыш. Тунэммэ ийым отличнэ тунэм пытармыжланак, тудым пионьэр организацэ дэн школ дирэкий республик пионьэр лагерьыш—„Таирыш“ канаш колтышт.

Отличнэ тунэмын, ик тылзылан лагерьыш канаш кайаш—тидэ пэш кугу пийал!

Гэрасимова Марфа.

Оршанкэ район.

Мый пэш куанэнам

5-шэ ийуны гыч 5-шэ ийуль маркэ „Таир“ лагерьыштэ канаш тунгалам. Тидэ мыйын пэш кугу куанымаш жапэм лийэш. Республикысэ лагерьыш вэрэшташ мый чот тыршэнам: идалык мучко ик часымат прогулым ыштэн ом ул, чыла прэд-

мэт дэнат „отличнэ“ отмэткэ дэнэ тунэммэ ийым кошартышым. Сандэнак мый „Таир“ лагерьыш вэрэштым. Тушто ик тылзэ жапым культурно канаш тунгалам.

А. Петрова.

Морко район, Арын кыдалаш школ 5-шэ класс.

КАНАШ КАЙЫШТ

Мый тэнийсэ тунэммэ ийым 5 „отличнэ“ да молыжо „хорошо“ отмэткэ-влак дэнэ тунэм пытарышым. Тунэммэ жапыштэ ик часыматкодэн омыл. Урокыш эрэ йамдылалт мийэнам. Тудланак туныктышо - влакат мыйым моктат ыльэ. Пытар-тыш жапыштэ сылнэ мутан ли-тератур гыч „Күртнэ вий“, дэн „Чапайэв“ повесть-влкым луды-нам. Кызыт „Таир“ лагерьыштэ ик тылзэ канаш тунгалам.

Горинов Микалэ.

Коклала ПКШ, Шэрнур район.

Тэний сай тунэммэлан, мы-лам похвальнэ грамотам пуышт. Кызыт „Таир“ лагерьыштэ ка-наш тунгалам. Тыштэ канышэм-ла вийым погэн 5 - шэ клас-сыштат отличнэ тунэмаш шо-нэм.

Горинов Трофим,

Шэрнур район, Лаж-йал тунгалтыш школ, 4-шэ клас.

Мый физкультурым пэш йо-ратэм, адак тудо вэт чылала-нат күлэш. „Таир“ лагерьыш ка-нымэ жапыштэ физкультур дэн адакат шуко заниматлаш тун-галам. Александрова Марина.

Шэрнур район, Токтамыж ПКШ.



Изгорова Льюса.

КАНИКУЛЫМ САЙЫН ЭРТАРЭМ

Мый Иощкар-Оласэ 4-шэ №-ан пэлэ кыдалаш школышто II-шо „А“ классыштыжэ тунэ-мам. 1936—37 тунэммэ ийыштэ идалык мучко отличнэ тунэ-мым, сандэнак мыйым III-шо классын учэбникшэ-влак дэнэ пблэклышт.

Кызыт 20-шо май гыч кэнэж каникулымат моштэн эртарэм. Шашкэ, шахмат дэнэ модам. Шахмат дэнэ модмаштэ ачайы-мат сэнгэн кэртэм. Физкульту-рым пэш йоратэм. Кажнэ эр-дэнэ, шкэ капэм пэнтыдэмдаш полшышо гимнастик - влакым ыштэм. Кужыт дэнэ кўешыт тбшташ ыштымэ вэрэмат уло.

Сылнэ мутан литературым пэш йоратэн лудам. Пушки-нын да М. Горькийын возымо произвэдэньэ-влакым эрэ лудын шогэм. Музыкымат шокташ кэр-там, ройаль дэнэ шуко муро-влакым шоктэн моштэм. Кино ончашат чўкыдын коштам.

Шокшо кэнэж шуэш гын, Какшан вудыш йуштылаш, кэ-чэш могырым кўйыкташ кош-таш тунгалам.

Изгорова Льюса.

Иүдвэл польусышто

Иүдвэл польусын ий ўмбал-сэ Шмидт лагерьыштэ паша ыш-тымаш писын кайа. Тышагын тэлым эртараш мийшэ-влаклан пбрт-влак йамдэ улыт манаш лийэш. Тидэ пбрт кбргылаштэ койко дэн ўстэл-влакымат ыштэн шуктымо. Пбрт кўварэш пўчб коваштым вакшмэ. Тидэ экспедицийсэ участник - влак шкэ пбртыштым „Иүдвэл по-льус Совет пбрт“ манын лўм-дэныт.

Тидэ экспедицийын ий ўмбал-нэ ылышышт-влак 30-шо ма-йыштэ Моско ола гыч эн сай артист-влакын концертыштым колыштыныт.

31-шэ майыштэ Иүд йимал тэныз корнын Главнэ управле-нынж дэнэ Моско гыч викак ра-дио тэлэфон дэмэ ваш-ваш ой-лымаш лийын. Нунни ойли-мышт кок могырмаг пэш сай шоктэн.



СЎРЭТЫШТЭ: (шолэ гыч пурлашкэ) Чирки тунгалтыш шко-лын 3-шо классыштэ (Пектубайэво район) чыла прэдмэт дэнат „от-личнэ“ тунэм пытарышэ Рэбчикова Ксэньа. Вэликополь пэлэ кы-далаш школышто (Оршанкэ район) отличнэ тунэмшэ Корабльева. Нуно кектынат „Таир“ лагерьыш канаш кайышт.

Мэмнам пагалышэ Сталин йолташлан кугу тау!

Мый „Иамдэ лий“ газэтын дэторжэ Иаковльэв Иван ССР Ушэм, РСФСР Конституцо-влакым да МАССР Конституцо проектм сайын лончылэн на-
лынам.

МАССР Конституцо проект ССР Ушэм Конституцо нэгызэш ышталтын. Мэмнан Марий республик—партий да Сталин йолташ вуйлатымашын саскажэ.

Мэмнан элыштэ граждан-влаклан тунэмаш, папашыш-таш, канаш, тулэч моло правамат пумо. Тидэ права мут дэнэ огыл, папаш дэнэ шукталтэш. Тэвэ мыйат шэмэр марийын эргыжэ Морко педагогик училищын икымшэ „С“ классыш-тыжэ тунэмам. Тунэмаш права—тидэ Сталин йолташын пöлэкшэ. Тидэ пöлэкым тичмашын кучылтпаш вэрч тыршэм.

СССР, РСФСР Конституцо-влакым да МАССР Конституцо проектм шкэ йэшэмланат умландарэм. Конституцо нэргэн ойлымэм годым ачий тошто илыш нэргэн тыгэрак шарна:

„Мыйын ныл ийашэм годым ачий колыш. Ачай колмэк, мланэм шуко йэн шинчам ончаш логальэ. Тунам мэмнан йалысэ торговой Чопай да мо-
ло пойан-влакат мэмнам айдэ-мылан шотлэн огытыл. Пэш
нужнан илэн улына. Урэмыш-
тэ кийшэ шүкшү йыдалымат
погөн чийаш вэрэштын. 10-12
ийашан тупэш котомкам сакэн
15-20 км. коклаш смола пу-
руаш коштынам. Пэш изиньэ-
как куралаш тунгалынам. Нуж-
на улмо дэнак тунэмаш ыш ло-
гал. Кызыт рвэзэ-влакын илы-
шышт вэсэла, пийалан. Нуно
сайын тунэмыт, моштэн канат“
—манэш ачий. И. Иаковльэв.

Морко педагогик училищэ, 1-шэ „С“ класс.

СССР-ыштэ пэрвой вэр налшаш вэрч йоча футбол командэ-влакын сорэвнованьышт нэргэн

Физкультур да спорт папаш вуйлатышэ пүтынэ ушэмысэ комитэт тидэ кэнэжым СССР-ыштэ футбол дэнэ пэрвой вэр налшаш вэрч йоча-влак ко-
клаш сорэвнованьым эртарат. Тидэ сорэвнованьыштэ Совет Ушэмын чыла кугу оладасэ командэ-влак участвоватлаш тунгалыт.

Тидэ сорэвнованьышкэ шко-
лышто тунэмшэ 15 да 17 ийаш-
влак гына пурэн кэртыт.

Паркыштэ да школашкэ ор-
ганизоваймэ кэч могай йоча
футбол командат тидэ сорэв-
нованьыштэ участытлэн кэр-
тыт. Тидлан вэрчын шкэныш-
тын командэ составшым пэн-
гыдэмдэн, оласэ физкультурдэн
спорт папаш вуйлатышэ коми-
тэт дэк йодышым ыштыман.


Пэрвой вэр налшаш вэрч
сорэвнованьыштэ оладашкэ мо-
дышым 25-шэ ийунышто тун-
галын, 15-шэ ийуль маркэ пы-

тарыман, оласэ сорэвнованьыш-
тэ пэрвой вэрч налшэ командэ-
влак 15-шэ ийуль гыч вэс ола-
влак дэнэ калэндэр почэш мо-
даш тунгалыт, тидэ сорэвнова-
ньюштэ оласэ модыш сэмынак
олимпиадэ формо дэн эртарал-
тэш: модмашкэ командэ коч ик
кана сэнгалтэш гынат, сорэв-
нованьэ гыч лукталтэш.

Кукак, могай вэрэш ваш лий-
машым Ушэмысэ физкультур
дэн спорт папаш вуйлатышэ ко-
митэт вэс кана увэртара.

Тидэ сорэвнованьышкэ оласэ
сборно командэ-влак огыт пур-
талт.

Финальнэ матч Моско олаш
август тылзын пэлыштыжэ ли-
йэш. Сорэвнованьыштэ, пэрвой
вэр налшэ командэ-влакым
Ушэмысэ физкультур дэн спорт
папаш вуйлатышэ комитэт прэ-
зидиумаш ончалтэш, тидэ ко-
мандыштэ участытлышэ-влак-
лан посна жэтон пуалтэш.



Культур дворэц. Тусто 400 йэнлан зал, фойэ, модыш пöлэм, лудмо
вэр дэн библиотэка, йукач кино, консультацэ пöлэм, молат уло. Сурэтыштэ:
„Серп и молот“ колхозын (Донэца область) культур дворэцшэ. (Сойузфото)



Постышто гэрöйла колымаш

Ишкарармэйэц С. А. За-
вьялов Мундыр Эрвэл грани-
цыштэ постышто шогэн. Пос-
тышто шогышыжла когар пу-
шым шижын. Тидэ когар пуш
тушманын тошто шудым йу-
лалтымыж гыч лэктын улмаш.

Завьялов шучкыдык улмо
нэргэн частыш увэртарэн. Но
луддымб пограничник шкэ пост-
шо гыч корангын огыл. Постыш-
то шогышо пограничником тул
вашкэ гына авырал налын. По-
лышым пуаш толшо Ишкар
армэйэц влак Завьяловым йу-
лышым луктыныт.

Завьялов йолташ совет
гражданинын должым муча-
шыш шумэш шуктэн.

Постышто гэрöйла колышо
Завьяловын йэшыжым ончаш
кугыжаныш шкэ умбакыжэ на-
лын.

Нина Шлякова гэрöй сэмын ыштэн

Шукэртэ огыл М.—Сальма
йалыштэ (Шахунья район,
Горький область) пожар тунга-
лын. Тул вашкэ гына кок сур-
тым авалтэн налын. Б.—Ло-
мовский школышто тунэмшэ 9
ийаш Шлякова шкэ капшым
вуд дэнэ нöртэн да колхозник
Зубнэвын пэш вийан йулыш
суртышкыжэ луддэ пурэн. Ик
мыньар минут эртымöнтö Ни-
на вүта гыч ушкалым вүдэн
луктын. Нина шкэжэ нымат ли-
йын огыл.

Шыргыжшэ йоча-влакын пöртышт

Республик пионьэр пöртыш
жэчэ йэда эрдэн эрак йоча-влак
чумыргаш тунгалыт. Пионьэр
пöрт йоча-влакым вашлийаш
йамдэ. Нуным рвэзэ натура-
лист пöлэм, лото модыш, шах-
мат-пашкэ пöлэм, хор кружок,
молат вучат. Пионьэр пöртын
жк сылнэ, кугу пöлэмыштыжэ
натуралист-влак шкэ папаш-
тым ыштат. Иктыжэ кроликлан
ужар шудо лышташым кұрын
жондэнат, шунэн-шунэн пукша.
Пöлэм покшэлнэ кужо гына
устал воктэн визытын-кудытын
логынэн шогалынытат, аквариу-
мышто нуж колын „йыл“ да
„йул“ ийын коштыжым ончат.
Волгыдо окнашкэ, йанда атыш-
тэ кумыж вуйан кышкэ дэн
шыншалыжэ кэчэ шокшышто
ирэн кийат.

Пионьэр пöртын мотор гына
жви сат пакчажэ уло (Карл
Маркс урэм дэнэ). Тусто лаш-

тра пистэ, кудыр куэ йымалнэ,
умылыштö канэн шинчаш, кна-
га лудаш могай сай. Тустак
площадкыштэ крокет, волейбол,
баскетбол дэнэ модашат вэр
кумда. Куржшталаш аллэйат
пэш мотор, йандарын уштын
шындымэ.

Тунэмшэ пионьэр-влакын кэ-
нэж каныш жапыштым пионьэр
пöрт сайын эртараш йамды-
лалтэш. Пионьэр пöрт пэлэн
кукольно театр папаш ышта.
Тидэ театр, пионьэр пöрт дэч
посна, олашкэ площадкэ да
форпостлаштат постановкым
ончыкташ тунгалэш. 60 йэнан
драматический кружок „Робин
Гуд“, „Соперники“, „Шестеро
любимых“ пийэсым пионьэр
пöртэш да лишыл районлаш
шындаш йамдылалтэш. Тидлэч
посна 100 йэнан балетнэ кру-
жок организоватлалтэш, нуно
театрыштэ самодэятельнэ вэ-

чэр годым выступатлаш тунга-
лыт. Драматический да ба-
лэт кружок-влак дэнэ пырля
200 йочан сылнэ хор папаш
ышташ тунгалэш.

Фото кружокланат папаш лэ-
тэш. Самырык фотограф-влак
„пионьэр пöртыштö йоча-вла-
кын творчествышт“ да „Иш-
кар-Олан кушмо историйжэ“
тэмэ дэнэ фото-альбомым йам-
дылаш тунгалыт. Фотоаппа-
рым налын, чодраш, олыкыш
түрлö сурэтым ышташ лэктят.
Лишыл йалласэ пионьэр от-
радыш лэктын, фото кружокым
организоватлаш тунгалыт.

Авиомодэль кружокыш 65
йочам ушаш палэмдымэ. Нуно
авиомодэль сорэвнованьым эр-
тарынэшт, тудлан кызытак йам-
дылалтыт, утларак сложно кон-
струкция модельым ыштат. Ра-
дио кружокат почэш огэш шу-
дырнö, ындэ пионьэр пöртын
чыла пöлэмлашкыжэ радио-
пуртынежэ.

Шахматист-влак форпостла

дэнэ учашэн модаш турнирым
ыштынэшт.

Нинын дэч посна кид папаш-
лан тунэмшэ художественнэ, му-
зыкальнэ кружок ышталтыт.

Пионьэр пöрт, горкомол дэ-
нэ пырля кэнэж жапыштэ
(августышто) йоча-влакын твор-
чествыштым, самодэятельно-
стыштым ончаш шона.

Тунэмшэ ий пытымэ лүмэш
йоча-влаклан кугу пайрэм лий-
шаш, тидлан ик пийэсым, ба-
лэтым, хорым сайын йамдылэн
шуктат. Тидэ пайрэм годым
чодрашкэ да сатыштэ йоча мас-
совкым эртарыман.

Пионьэр пöрт оласэ фор-
пост-влаклан затэйнныкымат йам-
дыла.

Кружок-влакын эн сай, при-
мернэ членыштан Иул вуд
дэнэ экскурсий лийэш.

Тунэмшэ ийым отличнэ да
сайын тунэм пытарышэ вэсэла
йоча-влакым пионьэр пöрт куа-
нэн вашлийэш. Мустаи.

„Марий кекмун“ газет гыч.

Испан граждан сар фронтлаштэ

Бискай фронтын Сан-Педро районыштыжо республиканец-влак мятэжник-влакым ончыл окопышт гыч покташ колтэныт. Мятэжник-влаклан шуко войән-нэ ўзгарыштым кудалтэн чакнашышт вэрэштын.

Тугак республиканец-влакын артиллерийышт Ордуньаштэ тушманын позицыжым бомбар-

дироватлэн.

31-шэ майыште республиканец-влак крэдальн Ла Гранхошко пурэныт да, кызыт Бальсаиным атаковатлат манын, — Генерал Миаха увэртарэн.

30-шо майыште республиканец-влакын авиацийышт шуко гана мятэжник-влакын окопыштым бомбардироватлэн.

Пуштэдышэ фашист-влакын у прэступлэньышт

Нэмыч бронэносэц Испанийын Альмэрийу олажым луйкалэн

1. Ивиса отрошто мо лийын

29-шэ майыште, 17 шагатыште испан правительствын кок самолётше Балэарск отро умбалнэ разведкым ыштэн коштын.

Самолёт-влак Ивиса порт умбач (Ивиса отрошто) чонгаштэн каймышт годым, Германий кугыжанышын „Дэйчланд“ луман бронэносэцше нунын умбак викак зенитнэ орудий гыч луйкалаш тунгалын.

Нунын луйкалымышт дэч аралалташ тóчэн, самолёт-влак бронэносэц умакэ ик мыньар бомбым кудалтэныт. Тиде кудалтымэ бомбо кокла гыч ныл бомбыжо корабльыш логалын.

Молаң вара нэмыч бронэносэц Ивиса отро воктэкэ вэрэшдын? Иэн паша коклаш пуритымашлык комитэт күштэн шогымо почэш пуйто тиде контрольым ыштэн шогэн. Но контроль нэргэн сограсованьэ почэш Балэарск отро адйонышто контрольым Герман суда-влак огыл, а франций кугыжанышын войәннэ судагыштын шогышаш. Чывжымак тудо суда - влак контрольым ыштэн шогэныт гын, сэр воктэкэ 18 километрлан лишкэ толшаш огытыл ыльэ. Тыгэжэ нэмыч командованьэ шойыштэш: иктэ палэ, тудо шкэ бронэносэцшым Ивиса воктэк колтымыж дэнэ ваш кучэдалмашым тарватынэжэ. Кузэ гынат, шкэ шонымыжым тудо шуктэн.

2. Разбойник-влакын кэрылтмышт

Шкэ шонымыштым шуктымонго, фашист разбойник-влак нашаштым вашкэмдаш тунгалыныт. 31-шэ майыште, 6 час эрдэнэ „Адмирал Шээр“ бронэносэц дэн ныл миноносэц саставан герман флот испанийын

аралалтдэ шогышо Альмэрин ола воктэкежэ лишэмыныт да, тудым пушко дэнэ луйкалаш тунгалыныт. Луйкалмаш ик час маркэ шуйнэн. Разбойник-влак тиде жапыште ола умбакэ чылажэ 200 снарядым колтэныт. Тидын дэнэ 30 пóрт шаланэн, 19 йэн колэн да 35 йэн сусыргэн.

„Тиде мэмнан“ „Дайчланд“ бронэносэц умбак кэрылтмыланда учым шуктымо“ — манын шойыштыныт фашист бандит-влак.

Тиде жапыштак итальян подводно лодко-влак Барселон гаваньыште шогышо испан пароходым вуд йымак колтэныт. „Сиудар дэн Барселона“ пароходышто 300 пассажир улмаш. Тыжэчын 50 йэн нарыжэ вуд йымак пурэн кайэн колэн.

3. Виш кучэдалмашыш

Германий дэн Италийан правительствэ йэн паша коклаш пурдымашлык Комитэтын пашажым чарныдэ кóрлынак шогэныт.

Молаң вара фашист кугыжаныш-влак йэн паша коклаш пурдымашлык Комитэт гыч лектыныт? Нунын Комитэт гыч лекмашышт — испан правительствэ ваштарэш вишак кучэдалашышт пэш кугу йөн. Ынде нунонигөн ойым колыштыдэ испан правительствэ ваштарэш вишак да викак кэрылташ тунгалыт.

Тидлан вэрчынак Италий дэн Германий Испанийыш колтылашлан у воинский частыым, войәннэ флотым, авиацийым йамдылаш тунгалын.


Кызыт Германийын войәннэ командованьыжэ шкэнжын войәннэ корабльышт-влак лан приказым пуэн. Тиде приказыште Испанийын самолётышт дэнэ войәннэ корабльышт монь нунын дэкэ лишэмма годым, викак оружийым кучылташ кóлмó нэргэн ойдалтэш.

Газэтан лийына

Мэ, Тосмэт-сода палэ кыдалаш школышто (Морко район) тунэмшэ-влак кэнгэж каникул жаплан чыланат „Иамдэ лий“,

„Рвэзэ коммунист“, „Лэнин ой“ газэтан подпискым ыштышна.

А. Михайлов.



Эрзэваньыште историй музэй почылтэш. Суратыште: историй музэийн пóртшó. Фото Швэц-Швэчэнкон (Сойуэфото).



Шырчык

1936 ийыште, октябрь тылзэ мучашаш, школ гыч кайшэмла корнышто колаш тунгалшэ шырчыкым ужым. Мый тудым монгышкэм нангайшым. Тудо колмашкэ шуын, кэчывал йымак чонгаштэн ок кэрт. Мый тудым ырыктышым, тунам тудо тарванылаш тунгалшэ. Мый тудлан кочкашыжэ киндым, йуашыжэ шóрым пуышым. Но тудо нэш шагал кочко, а йуашыжэ йалт ыш йу манаш лийэш.

Ик арньа гыч шырчыкэм кошташ да кочкаш пыштымымат сайынак чунгаш тунгалшэ. Но тугэ гынат, шулдыржым саканак кошто. Тыгэ тудо тэлэ коч мый дэнэм илымыж дэнэ, йóршэш кидысэ кайык ганьэ лийэ.

1937 пйын 21-шэ мартыштыжэ, 7 час эрдэнэ, школыш кайшаш дэч ончыч, мый тудым урэмыш колтышым. Тудлэч вара мый тудым ик канат ышым уж. Тугэ гынат садак тудо иктаж гана мэмнан дэкэ угыч толэш шонэм.

Садиков Саньа.

Кармановск школ. Западнэ область.

Журналым луктына

Мэ, „Йүлэдүр“ колхозысо тунэмшэ пионьэр-влак шкэнан колхозыштына „Рвэзэ литератор“ луман журналым луктына. Журнална пэш сылнэ, сурэтан. Тиде журналым колхозник-влакат йóратэн лудыт.

Загайнон Васлий.

Ронго район, Кужмарий йал совет, „Йүлэдүр“ колхоз.



Площадкэ лийэ

Кужэнгэр йоча коммунышто илышэ йоча-влак шкаланышт физкультур площадкым ыштышт. Ынде нунын кок волэй-больный, ик баскетбольный площадкышт уло. Кызыт тыштэ йоча-влак кажнэ мотор кэчын чумыргэн модыт.

Токмэтов Никита,

Кужэнгэр район, йоча коммун.

Пионьэр костюм дэнэ пöлэклалтыч

Иошкар-Оласэ 4-шэ №-ан палэ кыдалаш школын II-шо классыштыжэ тунэмшэ Лугинин Колъя, Овчинников Колъя да Саратов Александр тунэммэ ийым „отлично“ отметкэ дэнэ тунэм пытарышт. Отличнэ тунэм лэкмыштылан школ дирекций кумыныштымат пионьэр костюм дэнэ пöлэклалыш.

Иванов.

Нормым пуышт

Куракино кыдалаш школын (Параньга район) VII-шэ дэн VIII-шэ классыштыжэ тунэмшэ-влак кокла гыч 39 йэн ГСО значоклан нормым пуыш. Вэс значокланат кэнгэж вид дэнэ нормым пуаш йамдылалтшэ-влак улыт.

Шуматов М.

Руйа-сола палэ кыдалаш школышто (Ронго район) тунэмшэ-влак БГТО значоклан нормым сдайаш вийан пижыныт. Кызыт 5 тунэмшэ нормым сдайэн, значокым нальэ.

Пэтров.

Врид. отв. редактора — А. ЙАНАЛОВ.